

اعتصام

اعتصام خادم اولور دینزه، شرع مبینہ ﴿اعتصام اتمہ بن بویلہ کوزل جبل حنینہ﴾
 «ادیب عینتابی»

۳ نیسان
 ۱۳۳۵ سنه

{ منافع عامہ بہ خادم مجموعہ اسلامیہ در }

۲ رجب
 ۱۳۳۷ سنه

احمد شیرانی

بر جرأت جاہلانہ و بر رجعت مستفقرانہ

ادیب عینتابی

«لوی بوختر» ک مادہ و قوت نظریہ سنی رد...

طاهر المولوی

مشرکک و مسلمان بقده عبادات

مصطفی عاصم

بر مسئلہ شرعیہ مناسبیت

علی رضا

ملٹر لایق اولدقلری حکومتلره صاحب اولورلر

عبدالرحمن سری

بر افول

بکپازاری اشرفنک مقام مشیختہ تشکراتی

فیثانی (۵) غروشددر

محل اداره : فاتح - اعتصام

مشرکلك و مسلمانلقدہ عبادات

مشرکین عربده مهمانپرولك وجومردلك اعتيادی بولونمقله برابر مرتب و متظام صورتده فقرانی کوزمتمك و اونلرك ضرورتی تهوین ایتك دوشونجهسی بوقدی .
 بالکیز زینکیرلی (میسر) ده نیان قارندن قازاندقلری ده وه آتی ارباب احتیاجه ویریلردی . لیکن بوده فقرانك کثرته کوره ده ووده قولاق قیلندن ایدی .
 برده بعضاری ؛ ا کینلرله حیوانلرندن برقسمنی ایکی به تفریق ایله برینی اللہه ، دیکرینی پوتلره تخصیص ایدهدی که اللہه آیریلان قسم ؛ فقیرلر ایله بوجلمره ، پوتلره مخصوص اولان قسمده تختانه سادنلرینه (خادملرینه) ویریلردی . اکثریا پوتلرك حصهسی آرتیریلتی ایچین حصه اللہه دن تنزیلات وقوع بولدینی جهته بوتبرعاندن اك چوغی معابد خدمه سنك آله کچردی ، فقرا اوندن لایقيله استفاده ایدهمزدی .
 سعادت بشریه نی کافل اولان اسلامیت ؛ ترفیه فقرا ایچین صدقه اصولنی وضع ایتدی . قرآن کریم ؛ ای مؤمنلر ا قازاندقلر بکیزك طیب اولانلرندن وسزه بردن چیقاردیغمز شیردن اتفاق ایدیکیز - سورة البقره . مآلنده کی آیت کی آیات جلیله ایله اتفاق فقرانی امر ایتدیکی مثللی صدقمنك ناصیل ویريله جکینی ده صدقه نی آشکاره ویریرسه کز ایدر . اونی فقرایه کیزلیجه اعطا ایدهرسه کز حقه کزده اودها خیرلیدر - سورة البقره ، مآلنده کی آیت ایله تعالیم ایله دی . منفقمنك کورده جکی معنوی مکافات ایله ویریلش شینك باشه قاقیلما ماسی لازم کلدیکنی ، کوزل سوزله کوستریله جک شفقت و مرحمتك ، صوکرادن باشه قاقیلان صدقه دن خیرلی اولدینفی ده . فی سبیل الله ماللرینی اتفاق ایله یوبده ویردکلری شیلر ایچین فقرایه تحمیل منت واذیت ایتمینلرك عندالہبده اجرلری مقرر در . اونلر ایچین قورقو اولمادینی کبی محزون و مأیوس ده اولمایا جقلردر - سورة البقره ، و کوزمل سوزو شفقت و مرحمت ، آرقه سندن اذیت کلن صدقه دن خیرلیدر - سورة البقره ، مآلنده کی آیتلرله تفهیم یو یوردی .

برشو آیتلرك تلقین ایله دیکی محاسن اخلاقی تأمل ایتملی ، برده مکة مشرکلرینك تمصب مذهبی الجابیه اهل اسلامی (شعب ابیطالب) ده محصور و اوچ سنه آج ،

صومرز بیر اقدقلرینی دوشونملی ، صوکراده مسلمانلغک غیر مسلم اولانلره بیلله کوستردیکی رأفت ورحمتی اوکره نملی ده اسلامینک نه قدر عالی ونه درجه انسانیت پرور بر دین بولوندیغنی آکلامالیدر .

اعطای صدقه دن مقصد ؛ ضرورت عبادک تهوینی اولدیغنی ایچین (۰) جناب حق ؛ غیر مسلم اولانلرک انفاق نه ده مساعدده ایتدی . از جمله : مسلمان اولمان مقدم ده اهل اسلامه قارشى حسن معامله ده بولونمش اولان (خزاعه) قبیله سی محتاجینی حق نه ده مالی بروجه زیر یازیلان آیتلری کونده ردی :

« ای مؤمنلر ! سزکله عماره دینه ده بولونمایان وسزی یریکزدن ، یوردیکزدن چیقارمایان غیر مسلملره اییله کده بولونمقدن واولنره قارشى عادلانه داورانمقدن ، یاخود اولنره بر مقدار شی* ویرمکدن الله سزی منع ایتمز . حقیقه جنساب حق ؛ عادل اولانلری سه وهر . آنجاق اوکیسه لره اییله کدی منع کزی منع ایلرکه سزکله عماره دینه ده بولونمشلر ، سزی یریکزدن ، یوردیکزدن چیقارمشلر وچیقاریلما کیزه یاردیم ایتمشلردر . بویله لرینه کیم اییله کد ایدمک اولورسه ظالملر صیراسنه کچر - سورة الممتحنه . »

§

محتاجینک مرتب صورت نه انفاق ، صدقه فطره ویرمک صورتیله ابتدا ایتدی که هجرتک ایکنجی سنه سی رمضان ایچنده ایدی . چونکه : یوم سرور اسلام اولان بایرامده فقرانک ده سه وینجه سی لازمدی . بناء علیه هر مؤمن مکلف ؛ بوغدایدن ۵۲۰ آریا ، خرما و قورو اوزومدن ۱۰۴۰ درهم اولقی اوزره یا عیناً ، یا بدلاً فطره ویرمه یه باشلادی . مؤخر آمت محمدک حائز انصاب اولانلرینه (آنوا الزکوة) امریله زکات اعطاسی فرض قیلندی . بوفر ایضه موجبنجه زکیملر ، نقود (۱)

(۰) اوروج ، یمین ، جنایات حج کفاراتی ایله داما بعض خصوصانده اطعام فقرا ایله امر اولونماسی ده بو حکمه مبتنی ایدی .

(۱) نقود : آلتون وکوش

عروض (۲) سواثم (۳) ك اوزه رندن برسنه كچلرندن ، (زروع) (۴) كده محصولی ادراك ایدیلنلرندن بر مقدارشی و بر مكله مكلف اولدی .

ذكات ؛ یا مكلفین طرفندن حضور پیغمبری به كتیریلیر ، یا خود عامللر ، یعنی تحصیلدارلر كونده ريك صورتيله طولانیلر ، ضرورت ایچنده بولونانلره (فقیر) هیچ برشی* اولمایانلره (مسکین) اسارتدن قورتولمق ایچین افندیسیله بر مقدار اوزه رینه كسیشمش اولان كوله لره (مكاتب) هم فقیر ، هم ده بورجلو اولانلره (غارم) حج و جهاد ایچین چیقوبده مركینك اولمسی ، یا خود نفقه سنك توكه نهمسی طولانیسیله بولد ، قالانلره (منقطع فی سبیل الله) ملكته عودت ایچین پاره سی اولمایانلره (ابن السبیل) وریلیر ، تحصیلدارلر ك مصارفی ده بواوالدن تسویه ایدیلیردی . بدایه بعضلرینك اسلامه تألیفی ایچون اموال زكاتدن عطیه لرویریلش ایسده مؤخرأ اسلامك قوله نهمسی اوزه رینه (مؤلفه قلوب) عطیه سی کیلمشدر .

ذكات اموالندن حصه آلمق ، علیه الصلوة والسلام افندیملزه اقربای پیغمبری بولونان (بنی هاشم) و (بنی المطلب) ممنوع ایدی که شریعت مطهره ؛ بومنوعیتله ذات اقدس رسالتی بر طاقم کیسه لرك سوء ظنندن تبرئه ایدیوردی .

ما بعدی وار طاهر المولوی

صفحه : ۵۰۸

(۲) عروض: اموال تجاریه دركه بولردن قرقده بر، تعبیر دیگرله یوزده ایکی بوجوغی وریلیر.

(۳) سواثم: قیرلرده یایلوب بلامصرف بسبیل بیان دهوه، صیفیر، ماندا، قویون، کچیدرکه بولرك ذکاتی: بشده و دن بر قویون، اوتوز صغیر یا خود ماندادن بریاشنده بر بوزاغی، قرق قویون، یا خود قرق کچیدن بر قویون، یا خود بر کچیدر .

(۴) زروع: آکین، سبزه و بمشدرکه بولرك یا غمور سویله یئشنلرندن عشر، صولامقله به یئشدیریلنلرندن یکر میده بر اعطا اولونور .

تفصیلات المنی ایچین کتب فقهیه به مراجعت لازمدر .